

Protokolo de la 43a senatkunsido (37a post la oficialigo de AIS fare de la Konsilio de XII, 46a post la fakta eklaboro) okazinta en ĉambro de la fakultato pri literaturo, historio kaj ĵurnalistiko de la universitato dum la 23a SUS en Sibiu (RO)

24.09.2000 (dimanĉo), 11:55 – 13:30,

26.09.2000 (mardo), 13:40 – 15:43.

La kunsidon partoprenis la gekolegoj Frank, Holdgrün kaj Lewoc. Pro la nekvorumeco la senatanoj surpris nur la neprokrasteblajn decidojn (t.e. tiuj, kiuj koncernis okazaĵojn dum SUS23). Tiuj validas. Eventualaj aliaj - estu konsiderataj kiel rekomendoj kaj bezonas aprobon de aliaj senatanoj.

Konsiderante la rezulton de la perreta pridemandado kaj transprenante de la prezidanto kromajn voĉojn, la senato povis kontente konstati, ke ĉiuj kondiĉoj por alvoko de PDoc. Eichhorn al AProf estas plenumitaj. La alvokodokumento estis transdonita dum la solena malfermo. Neniu aliaj proponoj pri alvokoj kaj rangoplialtigoj estis prezentitaj al la senato.

Rilate la preparojn por SUS23 la senato kun certa domaĝo konstatis, ke la informado kaj preparlaboroj flanke de la rumana filio ne estis kontentigaj, kio gvidis al prokrastoj, administraj komplikaj kaj eviteblaj diskutoj. Oni konstatis, ke estas nepre plibonigenda ankaŭ la komunikadfluo inter la AIS-filioj, same kiel aktiva kontakto kun samlandanoj interesigantaj pri la agado de AIS.

La kurso de PDoc. Eichhorn estis unuanime akceptita kiel SUSa kurso.

Kolego Frank anoncis, ke kurso de kolego Lobin okazos duoble pro tro granda nombro de regulaj studentoj de la loka universitato kaj nesufiĉa kvanto da komputiloj. Tiu kaj ĉiuj aliaj SUS23-kursoj estis ankaŭ parto de la studado ĉe la loka universitato. La senato konsciigis pri la granda administra laboro, kiun kaŭzus studentoj de la universitato, kiuj ne interesigas pri studado ĉe AIS kaj enskribigas en la SUS-partoprenlistojn. Post mallonga diskuto oni unuanime decidis, ke ili enskribigu en apartajn partoprenlistojn kaj tiel ne estu traktataj kiel SUS-aligantoj (kio postulus pagendajn kotizojn). La enskribiĝo al SUS-listoj sig-

nifas intencan aliĝon al la sesio.

Por la 23a SUS en Sibiu (RO) la ekzamenkomisiono estis kompletigita per la jenaj membroj (en krampoj — konstantaj membroj):

- sekcio 1: (OProf. Dr. habil. Fößmeier) - OProf. Dr. habil. Frank
- sekcio 2: (AProf. Mag. Dingeldein dr.) - AProf. Eichhorn dr.med.hab.
- sekcio 3: (OProf. S. Holdgrün dr.) - —
- sekcio 4: (OProf. Angstl) - —
- sekcio 5: (OProf. Maitzen dr.) - —
- sekcio 6: (AProf. Lobin dipl. paed.) - —

Por la 23a SUS kolego Holdgrün estis petita transpreni la rolon de la direktoro de la EkO.

Por la finekzamenoj anonciĝis aŭ estis anoncigitaj 25 personoj. De ili surloke al la ekzamenkomisiono prezentigis 9 personoj kaj anonciĝis 1 nova kandidato. La ekzamenkomisiono allasis al la fina ekzameno 8 studentojn.

Oni unuanime akceptis la proponon de kol. Holdgrün diskuti dum la Akademia Forumo pri la temo „Kiel pli bone organizi nian Akademion?“.

Diskutante pri okazigo de SUSoj en 2001 kolego Frank vidis la eblojn organizi ĝin aŭ en la pola klerigejo en Bydgoszcz, aŭ en Rimini, aŭ rezigni pri SUS venontjare. Kol. Lewoc rememorigis la proponon venintan el Bulgario de kolego Leonov (prezidanto de AIS-Bulgario); laŭ kolego Frank la situacio en tiu regiono ankoraŭ ne maturiĝis (mankas ŝtata agnosko kaj oficiala registriĝblo de ekzamenitoj). Evidentiĝis, ke la ĉeestantaj senatanoj inklina al reiro post dujara paŭzo al sesio en Rimini/San Marino. Pro la nekvorumeco tiu decido ne estas valida antaŭ ol aliaj senatanoj povas esprimiĝi.

Decido pri venonta senatkunsido ne estis farita.

Protokolis: *H. S. Holdgrün, J. Lewoc.*